

Lūn bí.

84. Bí nā cheng siuⁿ pèh chiū it-chīn sit-lòh bí-khng só hām iàu-kín ê chit, miá kiò óah-lát-sò. Seng-khu nā bô tit-tiòh kàu-giáh óah-lát-sò, kiaⁿ-liáu òe siⁿ siong-tiōng ê pīⁿ miá kha-khi. Nā ták jít ēng tām-pòh bí-khng lâi chiáh, chiū òe pó chit ê khiàm-kheh.

Lūn ké-chí.

Ké-chí tú-hó sèk ê sī put-chí hah lāng ê lō-ēng, in-ūi hām iàu-kín ê khòng-bút-chit. Chóng-sī in-ūi koe-lō chōe-chōe hô-sīn sī chin kiaⁿ-lāng ê óah-mih, só-í koe-lō-piⁿ í-keng pak-phê ê ké-chí bôh-tit chiáh, kiaⁿ-liáu sī í-keng bak-tiòh hô-sīn ê lâ-sâm. Nā chiáh kiám-chhái òe piⁿ pak-lāi ê pīⁿ. Tī chhù-lāi pak phê liām tong-sī chiáh sī khah ún-tàng.

Ké-chí nā bē sèk lāng lâi chiáh kiaⁿ-liáu òe ti-kàu pak-tó thiàⁿ sòa lâu-siá. Kò gín-á ê lāng iàu-kín tiòh sió-sim lâi tī-hông chit ê tãi-chi. Ké-chí bô cháp hūn sèk ê sī thang ēng tām-pòh thng kap chúi lâi chú kàu liòh-á nōa, án-ni chiáh i chiū bōe lī-hāi.

Thiⁿ-sī sio-jòah chiáh ké-chí put-chí háp, tók-tók tiòh put-sī tī-hông hô-sīn. Tē 95 chat òe lūn i khah siōng-sè.

85. Téng-bīn í-keng kóng hiàⁿ-hé nā bô thiⁿ chhâ hé òe hoa khi, chhin-chhiūⁿ án-ni lāng ài óah tek-khak tiòh chiáh. Kiám-chhái phòh-pīⁿ kúi-nā jít bô chiáh, m̄ kú bōe liām-piⁿ siau chin sán che sī cháiⁿ-iūⁿ? Sī in-ūi tui seng-khu hó-hó ê sī só bat chek-chū ê liáu òe thiū chhut lâi ēng. Hiah ê liáu ēng liáu ê sī, koh lāng iū-gōan bô chiáh chiū òe siau-sán, khah kú bô chiáh chiah gō sí.

Lūn sin-kū thòe òaⁿ ê kong-iōng.

86. Seng-khu táuh-táuh siu jip sin ê mih-liáu, bô lūn sī khip jip khong-khi á-sī lim chiáh, koh tiòh táuh-táuh siau-chhut bô lō-ēng ê mih, phi-jū hé-lô tiòh tū-khi hé-hu. Seng-khu lâi bô lō-ēng ê mih kiò chòe hòe-liáu. Siau chhut hòe-liáu ê lō ū sī tiâu:

- (1) Àn phê ê kōaⁿ-chōaⁿ. Kōaⁿ sī chúi chham tām-pòh hòe-liáu.
- (2) Àn hì; chiū-sī thàn-ióng-khi kap chúi khi.
- (3) Àn lâi-sīn; chiū-sī siáu-piān.
- (4) Àn tōa-tng ê kong-būn chiū-sī tãi-piān.

Tãi-piān chiū-sī bōe it-chīn siau-hòa ê chiáh-mih, koh chham pát-mih khah tók ê hòe-liáu. Lāng nā ài seng-khu íóng-kiāⁿ m̄ nā tiòh chiàu siōng chiáh, iā tiòh siau-chhut téng-bīn só kóng sī hō ê hòe-liáu. Nā bô chiū-sī chek-chū tók tī seng-khu lâi, kiám-chhái òe ti-kàu phòh-pīⁿ á-sī lám sin-miá. Téng-bīn só kóng ê sū chiū-sī táuh-táuh siu-jip iā táuh-táuh siau-chhut, chit ê kiò-chòe seng-khu sin-kū thòe òaⁿ ê kong-iōng. Hit ê iàu-kín m̄ sī sió-khóa.

Lūn lim-chiáh ê siàu-giáh.

87. Ták jít só tiòh lim-chiáh lâi pó seng-khu só ēng liáu ê, hit ê siàu-giáh bô tiāⁿ-tiòh. Teh tiòh-bôa chòe kang chiū khiàm-ēng khah chōe, nā ēng-ēng teh chē chiū khiàm-ēng khah chió. Gín-á m̄ nā tiòh pó só ēng liáu ê, iā tiòh chiáh kàu-giáh hō sin-thé òe chiām-chiām tōa-hàn.

Tōa-hàn ták jít só ēng ê bí-niū iok-liók lâi kóng sī chiàu ē-tóe. Só chiáh ê sī chha-put-to